



岐山今二秦鳳翔府有岐山縣

又東三百里曰勾欄

音絡 楛之楛

之山其上多玉其下

多黃金其木多櫟柘其草多芍藥

又東一百五十里曰風雨之山其上多白金其下

多石涅其木多楸櫟

音騶善楸木未詳 櫟木白理中櫟

多楊宣余

之水出焉東流注于江其中多蛇其獸多間麋多

麀豹虎其鳥多白鶻

又東北二百里曰玉山其陽多銅其陰多赤金其

木多豫樟檣柎其獸多豕鹿麇與其鳥多鳩

又東一百五十里曰熊山有穴焉熊之穴恒出神

人夏啓而冬閉是穴也冬啓乃必有兵今鄴西北有鼓山下

有石鼓象懸者山旁鳴則有軍事與此穴殊象而相應其上多白玉其下多

白金其木多樗柳其草多寇脫

既以為熊之穴而又曰恒出神人何其妄也夫

物穴春啓不必夏也冬閉常也此曰冬啓有兵

蓋亦無取

又東一百四十里曰騮山其陽多美玉赤金其陰

多鐵其木多桃枝荆芭

山名玉山驪山重名

又東二百里曰葛山其上多赤金其下多瑊音石

瑊石勁石似玉也其木多柎栗橘櫟柎其獸多麋與其

草多嘉榮

又東一百七十里曰賈超之山其陽多黃堊其陰

多美楮其木多柎栗橘櫟其中多龍脩龍須也似堊而細生

山石穴中莖倒垂可以為席

凡岷山之首自女儿山至于賈超之山凡十六山

三千五百里其神狀皆馬身而龍首其祠毛用一

雄雞淫糝用稌文山勾欄風雨醜之山是皆冢也

其祠之羞酒先進酒以酌神少牢具嬰毛一吉玉熊山席

也席者神之所憑止也其祠羞酒太牢具嬰毛一璧干儺用

兵以禳禳祓除之祭名儺者持盾武儺也祈璆冕舞所未福祥也祭用玉儺者

冕服也美王曰粿巴求反

馬身龍首非神也用雄雞可醜也山曰十六昭

同也若風雨必以少牢宜也否則淫也能山而

以冕舞非正也幾干瀆矣

中次十經之首曰首陽之山其上多金玉無草木

此所謂首陽夷齊之所遊與當另為一首陽與

又西五十里曰虎尾之山其木多椒楮多封石其

陽多赤金其陰多鐵

又西南五十里曰繁績音潰之山其木多櫛杻其草

多栲勾今山中有此草

又西南二十里曰勇石之山無草木多白金多水

又西二十里曰復州之山其木多檀其陽多黃金

有鳥焉其狀如鴉而一足彘尾其名曰跂踵見則

其國大疫銘曰跂踵為鳥一足似夔不為樂興反以來悲

又西三十里曰楮山多寓木多椒楮多柘多堊一作

渚州之山

又西二十里曰又原之山其陽多青護其陰多鐵

其鳥多鸚音懼鵠鵠鵠也傳曰

春秋有鸚鵠來巢盖淮南有之

又西五十里曰涿山其木多穀柞柎其陽多璵琤

之玉

又西七十里曰丙山其木多梓檀多欽柎欽義未詳

凡首陽山之首自首山至于丙山凡九山二百六

十七里其神狀皆龍身而人面其祠之毛用一雄

雞瘞糝用五種之糝堵山冢也其祠之少牢具羞

酒祠嬰毛一璧瘞騶山帝也其祠羞酒太牢其合

巫祝二人儻嬰一璧

巫祝始見于此夫假怪惑世也降妖射利也逆

流而源基邪說也是故律禁師巫敦王制也

中次一十一山經荆山之首曰翼望之山湍水出

焉東流注于濟今湍水逕南陽穰縣而入清水貺水出焉東南流

注于漢其中多蛟似蛇而四脚小頭細頸有白癭大者十數圍卵如一二石甕能

人吞其上多松柏其下多漆梓其陽多赤金其陰多珉

漢水多蛟民之灾也伐蛟底寧亦可克也

又東北一百五十里曰朝歌之山音武無水出焉音武

出在南陽東南流注于滎其中多人魚其上多梓

柗其獸多麇麋有草焉名曰莽草可以毒魚今用之殺

魚

又東南二百里曰帝囷去倫反之山其陽多璆瑋之

玉其陰多鐵帝囷之水出于其上潜于其下多鳴

朝歌疑紂都今河南輝縣皆其地也夫以地名

古也

又東南五十里曰視山其上多韭有井焉名曰天

井夏有水冬竭其上多桑多美堊金玉

此頗與超山之井同皆反其恒夫夏有水其雨

集而盈乎冬竭是本背井乎其又不然吾謂之

怪無疑也

又東南二百里曰前山其木多櫛音諸或作儲似

生作屋多栢其陽多金其陰多赭

柱難腐

三五

又東南三百里曰豐山有獸焉其狀如後赤目赤
 喙黃身名曰雍和見則國有大恐神耕父處之常
 遊清冷之淵出入有光清冷水在西號郊縣山上
 屋祠見則其國為敗有九鐘焉是知霜鳴霜降則
 之言知也物有自然其上多金其下多穀柞杻榘感應而不可為也

耕父之神宜神焉莫測可也然而常遊清冷之
 淵又曰出入有光則是人可見而物可知也安
 在其為神與若夫霜降而鐘鳴金氣應也物理
 之恒也昌黎子亦曰豐山有鐘感而自鳴蓋自

况也

又東北八百里曰兔林之山其陽多鐵其木多藟
 蕪其草多雞穀其本如雞卵其味酸甘食者利于
 人

又東六十里曰皮山多堊多赭其木多松栢

又東六十里曰瑤碧之山其木多梓柎其陰多青
 護其陽多白金有鳥焉其狀如雉恒食蜚音名曰

鳩蜚負盤也此更一種
鳥非食蛇之鳩也

鳩郭氏以為更一種非食蛇之鳩理為得之然

則何以辯曰以其食蜚

又東四十里曰支離之山濟水出焉南流注于漢

今濟水出酈縣西北山中南入漢有鳥焉其名曰嬰勺其狀如鵲

赤目赤喙白身其尾若勺似酒勺形其鳴自呼多犴牛

多羶羊

又東北五十里曰秩簡音彫之山其上多松栢机栢

栢葉似柳皮黃不措子似棟着酒中飲之辟惡氣浣衣去垢核堅正黑可以間香纓一名拈樓也

又西北一百里曰董理之山其上多松栢多美梓

其陰多丹護多金其獸多豹虎有鳥焉其狀如鵲

青身白喙白日白尾名曰冉耕可以禦疫其鳴自

叫

又東南三十里曰依軻音枯之山其上多柎榘多苴

音菹未詳有獸焉其狀如犬虎爪有甲其名曰獬音吝言體

甲有鱗善駛牟音鞅奮跳躍自撲也食者不畏不畏天風

又東南三十五里曰卽谷之山多美玉多玄豹黑豹

也卽今荊州山中出黑虎也多閭麀多麀臭其陽多珉其陰多

青護

又東南四十里曰雞山其上多美梓多桑其草多

韭

又東南五十里曰高前之山其上有水焉甚寒而

清或作潛帝臺之漿也今河東解縣南檀首山上有水潛出停不流俗名為盎漿

即此類也飲之者不心痛其上有金其下有赭

前既有帝臺之石此又有帝臺之漿是何稱帝臺之多也夫氣清莫水若以天一之所生也水能治疾尚矣豈以帝臺之故哉

又東南三十里曰遊戲之山多柎榘穀多玉多封石

又東南三十五里曰從山其上多松柏其下多竹從水出于其上潛于其下其中多三足鼈枝尾食之無蠱疫

又東南三十里曰嬰磈音真之山其上多松柏其下多梓櫨

又東南三十里曰畢山帝苑之水出焉東北流注于視其中多水玉多蛟其上多璆琇之玉

又東南二十里曰樂馬之山有獸焉其狀如彙赤如丹火其名曰猱音辰見則其國大疫

又東南二十五里曰葳山視水出焉

或曰視宜為
瀕瀕水今在

南陽

也東南流注于汝水其中多人魚多蛟多頡

如青

又東四十里曰嬰山其下多青護其上多金玉

又東三十里曰虎首之山多苴桐

音桐未
詳也

又東二十里曰嬰侯之山其上多封石其下多赤

錫

又東五十里曰大孰之山殺水出焉東北流注于

視水其中多白堊

又東四十里曰卑山其上多桃李苴梓多纍

音誅
一名

滕今虎豆
狸豆之屬

又東三十里曰倚帝之山其上多玉其下多金有

獸焉其狀如獸

音狗吠
之吠

鼠

爾雅說鼠有十三種中
有此鼠形所未詳也

白耳白喙名曰狙如見則其國有大兵

又東三十里曰鯢山鯢水出于其上潜于其下

其中多美堊其上多金其下多青護

又東三十里曰雅山澧

音澧水
出南陽

東流注

于視水其中多大魚其上多美桑其下多苴多赤

又東五十里曰宣山淪水出焉東南流注于視水

其中多蛟其上有桑焉大五十尺圍五丈也其枝四衢

言枝交互四出其葉大尺餘赤理黃華青柎名曰帝女之

桑婦女主蠶故以名桑

此所謂帝女之桑言其為異桑也古之好異者

有甕繭之說則夫取此而飼其蠶固相當也夫

又東四十五里曰衡山今衡山在衡陽湘南縣南嶽也俗謂之响嶺山其

上多青鵪多桑其鳥多鸚鵡

衡山南嶽也郭氏以為在衡陽夫名山其鍾靈

特其取氣多顧豈無良金嘉璧而但曰多青鵪

多桑多鸚鵡而已乃知重寶之藏宜常人未易

辯識悲夫

又東四十里曰豐山其上多封石其木多桑多羊

桃狀如桃而方莖一名鬼桃可以為皮張治皮腫起

此豐山與九鍾知霜而鳴之豐山重名

又東七十里曰嫗山其上多美玉其下多金其草

多雞穀

此區區小山云耳顧多美玉金豈以衡大嶽而無寶乎

又東三十里曰鮮山其木多櫛杻苴其草多豐冬其陽多金其陰多鐵有獸焉其狀如膜大赤喙赤

目白尾見則其邑有火名曰移音即

又東三十里曰章或作童山其陽多金其陰多美石

皐水出焉東流注于澧水其中多脆石

又東二十五里曰大支之山其陽多金其木多穀柞無草木

既云其木多穀柞而又曰無草木何辭之悖也

又東五十里曰區吳之山其木多苴

又東五十里曰聲匈之山其木多穀多玉上多封

石

又東五十里曰大驪之山上已有此山疑同名其陽多赤金

其陰多砥石

金貴赤曰陽多赤金石賤砥曰陰多砥石夫物

止其所而理得

又東十里曰踵白之山無草木

又東北七十里曰歷或作磨石之山其木多荆芭其

陽多黃金其陰多砥石有獸焉其狀如狸而白首

虎爪名曰梁渠見則其國有大兵

又東南一百里曰求山求水出于其上潜于其下

中有美楮其木多苴多籊籊屬篠其陽多金其陰多鐵

凡水出于山必自下以升氣有升降故此曰出

于上潜于下固其徵也

又東二百里曰丑陽之山其上多桐楛有鳥焉其

狀如烏而赤足名曰馱音如枳楫之枳可以禦火

又東二百里曰奧山其上多栢柎榘其陽多璆琕

之玉奧水出焉東流注于視水

又東三十五里曰服山其木多苴其上多封石其

下多赤錫

又東三百里曰查山其上多嘉榮草多金玉

又東三百五十里曰几山其木多櫛檀柎其草多

香有獸焉其狀如彘黃身白頭白尾名曰聞隣音隣

見則天下大風

凡荆山之首自翼望之山至于几山凡四十八山

三千七百三十二里其神狀皆彘身人首其祠毛
用一雄雞祈瘞用一珪精用五種之精禾山帝也
其祠太牢之具羞瘞倒毛薦羞反倒用一璧牛無
常堵山玉山冢也皆倒祠羞毛少牢嬰毛吉玉
彘身人首毛用雄雞倒瘞大反制也精用五種
濫豕食也

中次十一經洞庭山之首曰篇遇之山無草木多
黃金

洞庭今蘇州及湖湘皆有之二山未知孰是

又東南五十里曰雲山無草木有桂竹甚毒傷人

必死

今始興郡桂陽縣出筰竹大者圍一尺長四
丈又交趾有筰竹實中勁強有毒銳以刺虎

中之則死
亦此類也

其上多黃金其下多璆瑋之玉

竹傷人其毒篤也虛中負節何用長也

又東南一百三十里曰龜山其木多穀柞稠楛其

上多黃金其下多青雄黃多扶竹

邛竹也高節實
中用杖也名之

扶老
竹

又東七十里曰丙山多筰竹多黃金銅鐵無木

又東南五十里曰風伯之山其上多金玉其下多

瘦石未詳文石多鐵其木多柳柎檀楮其東有林焉

名曰莽浮之林多美木鳥獸

多美木鳥獸未類分也東林今廬山有東林寺疑卽此

又東一百五十里曰大夫之山其上多黃金其下多青雄黃其木多桑楮其草多竹雞鼓神于兒居之其狀人身而手操兩蛇常遊于江淵出入有光人身操蛇以遊江淵猶水母必以蝦夫山水中多異物而理則可推

又東南一百二十里曰洞庭之山

今長沙巴陵縣西又有洞庭陂

潛伏通江離騷曰遭吾道兮洞庭洞庭波

今木葉下皆謂此也字或作銅宜從水其上多

黃金其下多銀鐵其木多柎黎橘櫟其草多薺蘼

蕪芎藥芎藭

蘼蕪似蛇林而香也

帝之二女居之

夫帝之二女而處江

為神卽列仙傳江妃二女也離騷九歌所謂湘夫人稱帝子者是也而河圖玉版曰湘夫人者帝堯女也秦始皇浮江至湘山逢大風而問博士湘君何神博士曰聞之堯二女舜妃也死而葬此列女傳曰二女死于江湘之間俗謂為湘君鄭司農亦以舜妃為湘君說者皆以舜陟方而死二妃從之俱溺死于湘江遂號為湘夫人按九歌湘君湘夫人自是二神江湘之有夫人猶河洛之有宓妃也此之為靈與天地並矣安得謂之堯女且旣謂之堯女安得復總云湘君哉何以考之禮記曰舜葬

蒼梧二妃不從明二妃生不從征死不從葬義可知矣即令從之二女靈達鑒通無方尚能以鳥工龍裳救井廩之難豈當不能自免于風波而有沉淪之患乎假復如此傳曰生為上公死為貴神禮于命祀而二女帝者之后配靈神祇無緣當復下降小水而為夫人也參互其義義既混錯綜其理無可據斯不然矣原其致謬之由由乎俱以帝女為名名實相亂莫矯其失是常遊于江淵澧沅習非勝是終古不悟可悲矣

之風交瀟湘之淵此言二女遊戲江之淵府則能言其靈響之意也江湘沅水皆共會巴陵頭故號為三江之口澧又去之七八十里而入江焉淮南子曰弋釣瀟湘是在九江之間地理志九江今在

今所在未詳也 **出入必以飄風雨是多**南江而分為九皆東會于大江書曰九江孔殷是也

怪神狀如人而載蛇左石于操蛇多怪鳥

此所謂洞庭盖楚地者然既曰二女居之而又曰常遊江淵何為其然也夫堯之女舜之妃也按禮舜巡狩而崩蒼梧之野三妃未從則此所謂其女居之亦妄矣若夫飄風暴雨怪神怪鳥盖江湘靈怪奈何以是而上誣英皇也或曰湘君祠異乎曰祠以舜故疑亦後人為之

又東南一百八十里曰暴山其木多椶栲荆芭竹

箭簳筍箭見禹貢 其上多黃金玉其下多文石

鐵其獸多麋鹿麀就

就鵬也見廣雅

又東南二百里曰卽公之山其上多黃金其下多

璉瑀之玉其木多柳杻檀桑有獸焉其狀如龜而

白身赤首名曰蛭音詭是可以禦火

又東南一百五十九里曰堯山其陰多黃堊其陽

多黃金其木多荆芭柳檀其草多藎蕒芣

又東南一百里曰江浮之山其上多銀砥礪無草

木其獸多豕鹿

又東二百里曰真陵之山其上多黃金其下多玉

其木多穀柞柳杻其草多榮草

又東南一百二十里曰陽帝之山多美銅其木多

檀杻檠楮檠山桑也其獸多麋麝

又南九十里曰柴桑之山今在潯陽柴桑縣南共廬山相連也其上

多銀其下多碧多冷石楮其木多柳芭楮桑其獸

多麋鹿多白蛇飛蛇卽媵蛇乘霧而飛者

柴桑郭氏以爲今在潯陽廬山相連果爾今九

江府其地也慶嘗僉廉訪事按行其處傳者以

爲晉處士陶潛故里云夫潛不以五斗米折腰

清風千古五柳在門家貧不能自給而此以為其上多銀是淵明里有白金而弗用耶

又東二百三十里曰榮余之山其上多銅其下多銀其木多柳芭其蟲多怪蛇怪蟲

凡洞庭山之首自篇遇之山至于榮余之山凡十五山二千八百里其神狀皆鳥身而龍首其祠毛

用一雄雞一牝豚剗亦割刺之名糝用稌凡夫夫之山

即公之山堯山陽帝之山皆冢也其祠皆肆瘞肆

之而之藏之祈用酒毛用少牢嬰毛一吉玉洞庭

榮余山神也其祠皆肆瘞肆竟然後依前埋之也祈酒太牢

祠嬰用圭璧十五五彩惠之惠猶飾也方信也

雄雞牝豚義安取乎堯山陽帝何多冢也

右中經之山志大凡百九十七山二萬一千三百

七十一里大凡天下名山五千三百七十居地大

凡六萬四千五十六里

禹曰天下名山經五千三百七十山六萬四千五

十六里居地也言其五藏蓋其餘小山甚衆不足

記云

此所謂禹曰吾未敢信也何者夏書禹貢凡治水九年之大較天下之名山大川固自昭昭也而又自以禹曰紀之寧有是哉是故紀事莫要于實開來莫大于正正而實禹不待借矣

天地之東西二萬八十里南北二萬六千里出水之山者八千里受水者八千里出銅之山四百六十七出鐵之山三千六百九十此天地之所分壤樹穀也戈矛之所發也刀鍛之所起也能者有餘拙者不足封于太山禪于梁父七十二家得失之

數皆在此內是謂國用

管子地數云封禪之王七十二家也

右五臧山經五篇大凡一萬五千五百三字

東西者經也其地差長南北者緯也其地差短可憑也乃若山出銅鐵而不及金玉豈懼其啓競鬪之禍故略之乎觀其戈矛所發云云則其微意自可想矣若夫封禪秦以後也而曰七十二家所以戒人主之侈心也又何得失之可分哉觀封禪之說其不爲禹益所撰又一明驗也矣

山海經釋義卷之五

山海經釋義卷之六

海外南經第六

地之所載六合之間

四方上下為六合也

四海之內照之以

日月經之以星辰紀之以四時要之以太歲神靈

所生其物異形或夭或壽惟聖人能通其道

言自非窮

理盡性者則不能原極其情變

宇宙一氣也無內外無遠近無夭壽合而一之

者也故君子語大天下莫能載詩小天下莫能

破言道之合一也此曰唯聖人能通其道允哉

允哉

海外自西南陬

音騶

至東南陬者

陬猶隅也

結匈國在其西南其為人結匈

臆前朕出如人結喉也

南山

在其東南自此山來蟲為蛇蛇號為魚

以蟲為蛇以蛇為魚

一曰南山在結匈東南比翼鳥在其東其為鳥青

赤

似鳥

兩鳥比翼一曰在南山東

此所謂南山海外山也夫鳥有比翼如木有連

理氣固有相附而生者

羽民國在其東南其為人長頭身生羽

能飛不能遠卵生

似仙也 一曰在比翼鳥東南其為人長頰啓筮曰羽

喙赤目有神人二八連臂為帝司夜于此野書隱

在羽民東其為人小頰赤肩當脾上盡十六人疑

後人所增 益語耳

人倮蟲生羽則鳥屬矣夫天地之有晝夜以日

之升沉為度而曰有神人二八司夜于此野豈

理哉

畢方鳥在其東青水西其為鳥人面一脚一曰在

二八神東

畢方東方朔識然既曰畢方在東又曰在二八

神東蓋疑而未決之辭

謹頭國在其南其為人人面有翼鳥喙方捕魚謹

堯臣有罪自投南海而死帝憐之使其子居南海而祠之畫亦似仙人也一曰在畢方

東或曰謹朱國

畢方鳥也非地也而曰在畢方東蓋亦無據

厭火國在其國南獸身黑色生火出其口中言能吐火

書似獼猴而黑色也一曰在謹朱東

凡物氣也夫火氣之炎也生火口中其氣炎也

故極南謂之炎荒醫家亦以氣有餘為火

三株樹在厭火北生赤水上其為樹如栢葉皆為

珠一曰其為樹若彗

如彗星狀

皆為珠謂其葉生如珠非謂真有所謂珠也

三苗國在赤水東其為人相隨

昔堯以天下讓舜三苗之君非之帝

殺之有苗之民叛入南海為三苗國

一曰三毛國

此即書之所謂窠三苗于三危俗稱三毛誤

載

音秩亦音替

國在其東其為人黃能操弓射蛇

大荒經云

此國自然有五穀衣服

一曰載國在三毛東

操弓射蛇知人道也黃色中也國在東鄰苗也

貫匈國在其東其為人匈有竅

尸子曰四夷之民有貫匈者有深目

者有長肱者黃帝之德嘗致之異物志曰穿匈一之國去兵衣則無自然者蓋似效此貫匈人也

曰在載國東

倮蟲錄亦有穿胸國即此

交脛國在其東其為人交脛

言脚脛曲戾相交所謂雕題交趾者也或

作頸其為人交頸而行也

一曰在穿匈東

交脛亦可行也其性遂也

不死民在其東其為人黑色壽不死

有負丘山上有不死樹食

之乃壽亦有赤泉飲之不老 一曰在穿匈國東

物有始終道也生死恒也赤泉不老妄也

岐舌國在其東 其人舌皆岐或曰岐舌也 一曰在不死民東

民有岐舌道本無言

崑崙墟在其東墟四方 墟山下基也 一曰在岐舌東為

墟四方羿與鑿齒戰于壽華之野羿射殺之在崑

崙墟東羿持弓矢鑿齒持質 鑿齒亦人也齒如鑿長五六尺因以名云

一曰戈

崑崙曰墟遠可知也二人戰野其道乖也

三首國在其東其為人一身三首一曰存鑿齒東

一身三首何可常也陽重以三病累上也

周饒國在其東其為人短小冠帶 其人長三尺穴居能為機巧有五穀也

五穀也

一曰焦僥國在三首東 外傳曰焦僥民長三尺短之至也詩含神霧曰從中

州以東西四十萬里得焦僥國人長尺五寸也

物之不齊物之道也短小冠帶亦可則也

長臂國在其東捕魚水中兩手各操一魚 舊說云其人手

下垂至地魏黃初中玄菟太守王頎討高句麗王官窮追之過沃沮國其東界臨大海近日之所出

問其耆老海東復有人否云常在海中得一布一褶身如中大衣兩袖長三尺即此長臂人衣也

曰在焦僥東捕魚海中

長臂捕魚業生也操魚我心快也

狄山帝堯葬于陽

呂氏春秋曰堯葬穀林今陽城縣西東阿縣城次鄉中赭陽縣

湘亭南皆有堯冢

帝嚳

音酷

葬于陰

嚳堯父號高辛今冢在頓丘

也爰有熊羆文虎

離虎也也子之優而右搏離虎也

豹

雌獮

離朱

木名也見莊子今圖作赤鳥

視內

聚肉形如牛肝有兩目也食之

無盡尋復更生如故

吁咽

未詳

文王皆葬其所

今文王墓在長安鄠聚社中按

帝王冢墓皆有定處而山海經往往復見之者蓋以聖人久于其位仁化廣及浹洽鳥獸至于殂亡

四海若喪考妣無思不哀故絕域殊俗之人聞天子崩各自立坐而祭酸哭泣起土為家是以所在有焉亦猶漢氏諸遠郡國皆有天子廟此其遺象也

聖人以四海為家其道宏也考之堯葬穀林文

墓長安舊矣狄山效冢豈聖人之遺澤哉

一曰湯山一曰爰有熊羆文虎雌豹離朱鳴久

鳴鵠

鵠屬

視肉虜交

未詳

其范林方三百里

言林木江監布衍也

海外湯山湯冢也無弗屆也是故異獸群分范

林布野其湯之佳城乎夫遠人而冢聖人可

觀王化矣後世漢有天子廟有以哉

南方祝融獸身人面乘兩龍也火神
祝融火帝其道南也獸身人面非神也其游魂
爲變之說乎

山海經釋義卷之七

晉 河東郭 璞景純父 著傳

明 王崇慶德徵父 釋義

明 澶淵 董漢儒學舒父 校訂

海外西經第七

海外自西南陬至西北陬者

天下之水莫海爲大曰海外極論之耳先發此
爲紀物張本

滅蒙鳥在結匈國北為鳥青赤尾

大運山高三百仞在滅蒙鳥北

海內之山必詳所產海外則否勢也

大樂之野夏后啓于此儻九代

九代馬名舞謂盤作之令舞也

乘

兩龍雲蓋三層

層猶重也

左手操翳

翳葆也

右手操環

玉空

邊等為環

佩玉璜

半璧曰璜

在大運山北

歸藏鄭母經曰夏后啓筮御飛龍登

于天吉明啓亦仙也

一曰大遺之野

大荒經云大穆之野

古之天子巡狩曰東至岱西至嶽未有荒游海

外者夫夏后啓賢君也能敬承繼禹之道若乃

舞馬于大樂之野將不反禹之道乎雲蓋兩龍

不待辯矣

三身國在夏后啓北一首而三身

夏后啓禹之子也人也非地也而曰在夏后啓

北豈夏后啓遊彼而道都彼與其妄昭然矣

一臂國在其北一臂一目一鼻孔有黃馬虎文一

目而一手

一臂一目而一鼻其數竒也黃馬虎文一目一

手是故人而匪人獸而匪獸氣數錯也

奇肱之國在其北其人一臂三目有陰有陽乘文

馬陰在上陽在下有鳥焉兩頭赤黃色在其旁其人

善為機巧以取百禽能作飛車從風遠行湯時得之于豫州界中即壞之不以示人後十年西風至

復作形大與帝至此爭神帝斷其首葬之常羊之

山乃以乳為目以臍為口操千戚以舞于盾戚斧也是為無

民首之女祭女戚在其北居兩水間戚操魚鮪魚解

屬祭操俎肉凡鴛音次鷓音瞻鳥其色行黃所經國亡此應

禍之鳥即今在女祭北鴛鳥人面居山上一曰維

鳥青鳥黃鳥所集

莫尊者帝而曰至此爭神何誕也夫既以帝斷

其葬之矣而又能以乳為目以臍為口乎

丈夫國在維鳥北其為人衣冠帶劔殷帝太戊使王孟採藥從

西王母至此絕糧不能進食木實衣木皮終身無妻而生二子從形中出其父即死是為丈夫民

丈夫國郭氏以殷帝太戊使王孟採藥從西王

母至此絕糧不能進終身無妻而生二子從形

中出其父即死是為丈夫民嗟乎大戊商賢君

也而有採藥之役乎有夫婦而後有父子理也

終身無妻而能生子乎

女丑之尸生而十日炙殺之在丈夫北以右手障其面蔽十日居上女丑居山之上

世有不經者謂堯時十日並出羿射其九然則女丑生而十日炙殺皆此類與

巫咸固在女丑北右手操青蛇左手操赤蛇在登

葆山群巫所從上下也採藥往來

操蛇青赤義取水火理含陰陽天生異物示人以道或有之矣然而吾聞其語矣未見其人也
是以終謂之怪也

并封在巫咸東其狀如彘前後皆有首黑今弩

也類

此即所謂兩頭蛇也郭氏以為弩弦蛇豈即兩

頭蛇與

女子國在巫咸北兩女子居水周之有黃池婦人入浴出即懷

姪矣若生男子三歲輒死周猶繞也離騷曰水周于堂下也

一曰居一門中

眾聚為國曰女子國而但曰兩女子居水周之

豈其眾女之長乎

軒轅之國在此窮山之際其不壽者八百歲其國在山

南邊也大荒經在女子國北人面蛇身尾交首上

窮山在其北不敢西射畏軒轅之丘言敬畏黃帝

向西而射也在軒轅國北其丘方四蛇相繞繚繞此諸

天之野鸞鳥自歌鳳鳥自舞鳳皇卵民食之甘露

民飲之所欲自從也言滋味無所不有所願百獸

相與群居在四蛇北其人兩手操卵食之兩鳥居

前導之

軒轅名國而又謂之諸天之野何舛也夫黃帝

中國產也古之聖也而曰人面蛇身尾交首上

又何異也自古皆有死而曰不壽者八百歲則

其壽者如何也

龍魚靈居在其北狀如狸或曰龍魚一曰鰕音卽

有神聖乘此以行九野九域一曰鼈魚在天野北

其為魚也如鯉

既曰龍魚吾謂其不宜舍水而陵也既曰狀如

狸而又曰鰕曰鼈曰鯉何哉况曰神聖乘之以

行九野乎

白民之國在龍魚北白身被髮言其人有乘黃其

體洞白

狀如狐其背上有角乘之壽二千歲

周書曰白民乘黃似狐背

上有兩角即飛黃也淮南子曰天下有道飛黃伏皂

乘狐被髮而壽蓋方家誇大之辭拒而勿聽可也

肅慎之國在白民北有樹名曰雄

或作雄

常先入代

帝於此取之

其俗無衣服中國有聖帝代立者則此本生皮可衣也

雄常之木皮可衣中國有聖其效也郭氏或有據矣

長股之國在雄常北被髮

國在赤水東也長臂人身如中人而臂長二丈

以類推之則比人脚過三丈矣黃帝時至

或曰長脚人常負長臂人入海中捕魚也

一曰長

脚或曰有喬國今伎家喬人蓋象此身

西方蓐收左耳有蛇乘兩龍

金神也人面虎爪白毛執鉞見外傳

南祝融西蓐收庶幾金火各適攸居珥蛇乘龍

終不免異嗟乎景純信物而不信理君子是以知其擇術之未審也

山海經釋義卷之七終

山海經釋義卷之八

海外北經第八

海外自東北陬至西北陬者

無脊

音啓或作緊

之國在長股東為人無脊

脊肥腸也其人穴處

食土無男女死即埋之其心不朽死百廿歲乃復更生

無脊郭氏以為肥腸又曰其人穴居食土無男女死則埋之乃復更生嗟乎無男女而其類能勿乏乎死且復生自生民以來未之嘗聞而謂無脊之民有是乎

